

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



যুক্তরাষ্ট্রের রাজনীতি বিষয়ক আন্ডার সেক্রেটারি ওয়েন্ডি শারম্যান ইন্দোনেশিয়া, ভারত ও বাংলাদেশ সফর করবেন

মিডিয়া নোট

প্রতিনিধির দফতর

ওয়্যাশিংটন ডিসি

১৯শে মে, ২০১৩

যুক্তরাষ্ট্রের রাজনীতি বিষয়ক আন্ডার সেক্রেটারি ওয়েন্ডি আর. শারম্যান ২১শে মে থেকে ২৮শে মে পর্যন্ত ইন্দোনেশিয়া, ভারত ও বাংলাদেশে সফর করবেন।

আন্ডার সেক্রেটারি শারম্যান যুক্তরাষ্ট্র-ইন্দোনেশিয়া বৈশ্বিক নীতি সংলাপে অংশগ্রহণ করতে ২১-২৩শে মে ইন্দোনেশিয়া সফর করবেন এবং ইন্দোনেশীয় সরকারের উর্ধ্বতন কর্মকর্তাদের সঙ্গে দ্বিপাক্ষিক, আঞ্চলিক ও বৈশ্বিক বিষয় নিয়ে আলোচনা করতে সাক্ষাৎ করবেন। বৈশ্বিক নীতি সংলাপ যুক্তরাষ্ট্র-ইন্দোনেশিয়া সমন্বিত অংশীদারিত্বের একটি গুরুত্বপূর্ণ অংশ যা প্রেসিডেন্ট ওবামা ও ইয়োডোয়ুনো ২০১০ সালে উদ্বোধন করেন। এর লক্ষ্য হলো সহযোগিতা আরো জোরদার করার মাধ্যমে দ্বিপাক্ষিক সম্পর্ককে আরো উচ্চতর অবস্থানে নিয়ে যাওয়ার জন্য দীর্ঘমেয়াদে প্রতিশ্রুতিবদ্ধ হওয়া।

ইন্দোনেশিয়া থেকে আন্ডার সেক্রেটারি শারম্যান ২৪-২৫শে মে পর্যন্ত ভারতের নয়াদিল্লি সফর করবেন। সেখানে তিনি বিশদভাবে দ্বিপাক্ষিক ও আঞ্চলিক বিষয়াদি আলোচনা ও জুনে অনুষ্ঠিতব্য যুক্তরাষ্ট্র-ভারত কৌশলগত সংলাপের প্রস্তুতির জন্য ভারতের পররাষ্ট্রমন্ত্রী সালমান খুরশীদ, পররাষ্ট্র সচিব রঞ্জন মাঠাই ও অন্যান্য ভারতীয় কর্মকর্তাদের সঙ্গে বৈঠক করবেন। এরপর তিনি ২৫শে মে ভারতের হায়দরাবাদের সফর করবে এবং সেখানে যুক্তরাষ্ট্র-ভারতের অর্থনৈতিক সহযোগিতা ও উদ্ভাবন আরো এগিয়ে নিয়ে যেতে বেসরকারি খাতের নেতৃবৃন্দের সঙ্গে আলোচনা করবেন।

আন্ডার সেক্রেটারি শারম্যান এরপর ২৬-২৮শে মে পর্যন্ত বাংলাদেশে সফর করবেন যেখানে তিনি দ্বিতীয় যুক্তরাষ্ট্র-বাংলাদেশ অংশীদারিত্ব সংলাপে যুক্তরাষ্ট্রের প্রতিনিধিদলকে নেতৃত্ব প্রদান করবেন এবং প্রধানমন্ত্রী শেখ হাসিনা, পররাষ্ট্রমন্ত্রী দীপু মনি ও বিরোধীদলীয় নেত্রী খালেদা জিয়ার সঙ্গে সাক্ষাৎ করার পরিকল্পনা করছেন। উন্নয়ন, সুশীল সমাজ ও সুশাসন, বাণিজ্য ও বিনিয়োগ, নিরাপত্তা ও সহিংস চরমপন্থা রোধ, বিজ্ঞান ও প্রযুক্তি, নারীর ক্ষমতায়ন ও লিঙ্গসমতা সহ বিশদ দ্বিপাক্ষিক ও আঞ্চলিক বিষয়াদি আরো বিস্তৃত ও গভীর করে তোলার জন্য অংশীদারিত্ব সংলাপটি সর্বোচ্চ ফোরাম। আন্ডার সেক্রেটারি শারম্যান শ্রম, শিল্প ও সরকারি কর্মকর্তাদের সঙ্গে একটি গোলটেবিল বৈঠকেও নেতৃত্ব প্রদান করবেন যেখানে রানা প্লাজার দুর্ঘটনার পরবর্তী পোশাকশিল্প খাতের মান নিয়ে আলোচনা করা হবে।

=====